

# ARCHÄOLOGISCHER DIENST GRAUBÜNDEN

SERVETSCH ARCHEOLOGIC • SERVIZIO ARCHEOLOGICO



Contrada abitata dal temp da crap mesaun a la confluenza dal Rain anteriur e dal Rain posteriur a Tumein

10 000 a. C.

5500 a. C.

### Plazza da pussar dal temp da crap mesaun a Tumein

Per lur champs han ils chatschaders e las rimnadras dal temp da crap mesaun tschernì cun premura lieus en la vischinanza d'auas. Las terrassas a Tumein purschevan ina vista ideala sin las rivas dal Rain anteriur e dal Rain posteriur, nua che lur preda da chatscha – tschiervs, chavriels e portgs selvadis – vegniva a baiver. Ils projectils da lur armas da chatscha ed er ils auters guaffens eran munids d'inserziuns da craps da fiu locals (radiolarit) e da cristals da muntogna. L'onn 2010 è vegnì chattà en in foss da conducts sin ina terrassa vi dal Rain anteriur in'accumulaziun d'utensils e da rument da producziun. A maun d'in utensil, in piz da crap da fiu d'in lunghezza da mo 1,5 cm, po la plazza da pussar vegnir datada en il temp da ca. 7000 a. C.



Piz e fragments da crap da fiu



Plazza da pussar dal temp da crap mesaun

### Mantegnair – examinar – intermediar

L'archeologia perscrutescha l'istorgia e la vita da generaziuns da pli baud. Ella gida ils umans d'encleger lur passà e lur derivanza e da concepì lur futur.

Il servetsch archeologic dal Grischun inventarisescha e protegia dapi l'onn 1967 ils lieus da chat ed ils chats dal chantun periclitads. El fa exchavaziuns ed è responsabel per ina conservaziun, per in deposit e per in'archivaziun moderna da chats e da documentaziuns. El intermediescha ils resultats en moda fitg variada a la populaziun ed a la scienza e stgaffescha uschia ina conscienza per il ritg patrimoni cultural da noss chantun.



Amt für Kultur  
Uffizi da cultura  
Ufficio della cultura

**Amt für Kultur Kanton Graubünden • Archäologischer Dienst • Servetsch archeologic • Servizio archeologico**  
Loëstrasse 26 • CH-7001 Chur • Tel. +41(0)81 257 48 50 • info@adg.gr.ch • www.archaeologie.gr.ch